

Studiôs di lenghe, storie e culture
des regions alpinis

Istitûts culturâi

Cjase lôr

Mandade par pueste eletroniche

Prot. 174/25

Argoment: seconde circolâr *Colloquium retoromanistich 2025*

Cjârs Coleghis e Amîs, preseadis Istituzion culturâls,


come che o vin za comunicât, il IX *Colloquium retoromanistich* al sarà dai 20 ai 22 di Novembar a Gurize, che chest an cun Gnove Gurize e je Citât europeane de culture. I lavôrs, che si fasaran intal Grand Hotel Entourage (Palaç Strassolt, place Sant Antoni 2), a saran dividûts in cinc sessions, de buinore di joibe ai 20 ae buinore di sabide ai 22 di Novembar. Lis lenghis de cunvigne a saran furlan, ladin, rumanç, talian e todesc.

Cun cheste comunicazion Us mandìn il model par notâsi, li che o podês segnâ il titul de Vuestre relazion. Simpri intal stes model e je une schede par prenotâ l'albiere e la cene sociâl. Us domandìn di mandânus il model jemplât, insiemit cuntun *abstract* inte lenghe dal intervent e un Vuestri *curriculum vitae* essenziâl, **dentri dai 30 di Mai dal 2025** a la direzion colloquium@filologicafriulana.it, li che o podês scrivi ancje par informazions e comunicazions (referent e je la dot.e Alessandra Piani, tel. +39 0432 501598 int. 4). Sul sît internet de Societât Filologjiche Furlane si cjate la pagine dedicate al Colloquium, ae direzion: <https://www.filologicafriulana.it/eventi-e-attivita/ix-colloquium-retoromanistich/>

Cul auguri che il nestri *Colloquium* al vedi il sucès che al merete, Us ringrazii cetant per colaborazion e Us saludi di cûr.

Il President de Societât Filologjiche Furlane

Federico Vicario



Udin, ai 7 di Avrîl dal 2025